

元明事類鈔

欽定四庫全書

元明事類鈔卷三十八

監察御史姚之駟撰

走獸門

麒麟

以韝上 元五行志至大年大同民家牛生一犢其質
有鱗無毛其色青黃若麟者以其韝上之

望如植竿 九朝埜記正統中朝每宴享廷中陳五獸

首麒麟身似鹿灰色微有文頸特長殆將二丈望之
如植竿其首亦大概如羊頗醜非如古所傳者

如壁畫 異林宏治中灤陽民家牛產一麟初不為異
偶過廨宇見壁上畫麟始大驚悟俗謂麟能茹鐵糞
金遂以鐵灌之而斃後獻其皮於鎮府

豐骨靈毳 夏原吉麒麟賦永樂十有二年榜葛剌國
來朝獻麒麟今來麻林國復以麒麟來獻其形色與
古傳記所載無異謹拜手而為賦豐骨神異靈毳瑩

潔霞明龍首雲擁鳳翼星眸眩兮焜耀龜文燦兮煜
熠

無麟何害 明史藁永樂時外國進麒麟呂震請賀帝
曰天下治安無麒麟何害

夜火光 空同子嘉靖初舞陽之野麟生於牛其夜火
光又其聲雷又見其角而麟以為妖擊之

牛產 天啓注畧山東巡撫奏青州民家耕牛產麒麟
南海獻 明紀事本末宣德八年南海諸國獻麒麟四

楊士奇等進頌

鱗有五彩 筠廊偶筆正德時河南產麒麟貯鄴郡庫
中萊陽某為郡守割其臂藏於家余宗琬親見之方
鱗黃色潤如蠟珀鱗四周五彩環繞如月華狀

角端

為人語 元史太祖西征角端見於東印度為人語云
汝主宜早還意者天告之以止殺也

綠色獨角 元宋子貞集元主西征時見一獸鹿形馬

尾綠色而獨角耶律楚材曰此名角端日行一萬八千里

旄星之精輟畊錄帝駐師印度忽有大獸一角如犀能作人語楚材進曰此名角端乃旄星之精聖人在位則斯獸奉書而至靈異如鬼神不可犯也

騶虞

出神后山解縉永樂歌詞騶虞出於鈞許之神后山獻之朝為騶虞獻第一

獻二 明紀事本末南京守備獻騶虞二出滁州石固
山禮部請賀上不許

獅

溺虎首 癸辛襍志元時有貢獅子者首類虎身如狗
宮中疑其非真使牽入虎牢猛獸皆俯首不敢動獅
子遂溺於虎之首虎亦莫敢動也乃知為真獅子

吹毛 輟畊錄元大會郡臣出諸獸於萬歲山其獅子
短小絕類金毛獠狗諸獸見之皆伏及各飼以雞鴨

之類諸獸皆以爪按定用舌去其毛羽惟獅子則以掌擎而吹之毛羽紛落

舉石獅 元史史弼膂力絕人里門鑿石為獅子重四百斤弼舉之置數步外

諫求獅子 名世類苑英廟復位薛文清居內閣數月朝議遣使求獅子於西域諫不聽

夢獅踞門 徐階集唐少保龍在娠時母夫人夢獅踞門而向日及生日光正射尊其貌儼然獅也人異而

傳之

目閉 明史藁獅生於阿珠河蘆林中初生目閉七日始開土人於目閉時取而調習之稍長則不可馴

魯迭獅舞 明袁宏觀魯迭所貢獅子歌魯迭迢迢遠在崑崙西叩關通道貢狻猊攣題械脰苦維繫豹躡為韝鐵銜勒始知丹青貌不同天子賜見長楊宮虎賁如雲兵衛列強弩短刀防噬嚙詔謂圉人破檻車玉階舞蹈龍顏悅

日用二羊 明史藁孝宗時劉吉上言飼獅日用二羊
十歲則七千二百羊矣守獅日役校尉五十人一歲
則一萬八千人矣若絕其餵養聽其自斃傳之千載
實為美談帝不能用

詔還獅 明紀事本末宏治中西域進獅子倪岳言獅
真偽不可知非真無為外國所笑詔還之

鑄鐵獅 吳偉業田家鐵獅歌武安戚里起高門欲表
君恩示子孫鑄就銘詞鐫日月天貽神獸守重闢省

金定四庫全書
卷三十八
中忽唱田蚡死青犢明年食龍子此時鐵獅真可憐
兒童鞭挽牽不起

雪獅 明鄭元勳雪獅賦
艸女憊子不畏寒慄和香掃
來帶翠攢集木猴棘爲之神工刻玉鏤脂之無跡壘
成厥類備摹怪醜不動而威不聲而吼毛淺若麕尾
大如斗

象

斷鞞脫象 虞集文世祖校獵還宮伶人道迎有被色

繒綴襍旄像獅子為戲者載輿象見之驚逸人莫能制伯顏自投輿下追及斷鞵脫象乘輿乃安

袖引象 元史梁曾使安南歸安南獻方物帝命曾引所貢象曾以袖引之象隨轉如素馴者帝以曾為福人

象跪石 一統志象跪石在鶴慶府城北昔元世祖自麗江石門關乘一白象至此象跪不行故名

明罪就殺 癸辛襍志燕京有一雄象甚大凡傷死數

人官使殺之乃明其罪象隨帖耳就殺凡得象油四

十八瓊

羅我 元陳孚安南即事詩抵鴉身偃豕羅我背拳狐
自注其昇人用布一疋以繩繫圓木上大竹貫繩兩
人昇之人側其中若舉豕然名曰抵鴉象背施鞍
轡几座名曰羅我人坐其上拳曲如狐

破象鼻 明紀事本末張輔敗交趾賊於愛子江羣象
來衝一矢落其象奴再矢破其象鼻

象如蝟 王世貞集沐英平麓川賊擁百象來鬪象皆披甲負戰樓四周若欄楯挾大竹於兩傍置短鎗十餘以標我英以火砲神機鎗弩破之生獲四十七象餘皆被矢如刺蝟以死

象淚 明紀事本末闖賊陷京師經象房橋羣象哀鳴淚下如雨

洗象 長安客話象房在宣武門每歲六月初伏官校用旗鼓迎象至河內洗濯徐渭宣武門河看洗象詩

帝京初伏候出象浴城端逐隊旋蹄易呼羣拭背難
巴蛇吞未下灑石浸還乾不爭儔力大真荷主恩寬
義象塚 滇黔紀遊馬隆州有義象塚天啓時水西安
氏叛陶土司有一象伏山澗中鼻吸泥水突出噴泥
賊壘復捲一賊擲空墜死賊衆驚駭乘勢逐北比收
師象中毒弩而斃土人葬焉

豹

白文豹 元明善忠武王碑上賜海東白鶻白文豹

豹取獸 王惲集中統冬大駕北狩取道居庸台圍於
湯山之東逐飛豹取獸獲焉

擊豹腦 元史至大間建德王氏女父出耘為豹所噬
女驚趨救以父所棄鋤擊豹腦殺之父得生

金錢豹 楊允孚灤京襍詠兩行排列金錢豹鎖察將
軍上馬馳

馴豹 耶律楚材詩更驅馴豹逐貪狼自注御閑有馴
豹縱之以搏野獸

占地十頃 嘉靖實錄兵部奏西苑所畜土豹一隻役
官勇二百四十人歲廩二千八百餘石又占地十頃
歲租七百金

夢豹 湧幢小品神宗嘗夢有豹掉尾來嚙惡之令豹
房絕食俱餓死

豹房 燕都遊覽志虎城西北隅有豹房武宗實錄時
蓋造豹房公解上朝夕處此不入大內

熊